

中國方志叢書·華北地方·第四七六號

據

清·龔崧林纂修，汪堅總修
乾隆十年刊本

影印

河南省

洛陽縣志

(四)

成文出版社有限公司印行

重修洛陽縣志卷之十五

武進龔崧林廬園

藝文之四

記二

明

重修文廟記

文多缺錄
為存其舊

孫應奎

嘉靖六年四月乙巳劉侯以司馬郎中出守河南登弊敷怠於
下政通民和乃飭修文廟越七月而告成郡庠僚佐率郡士肅
者舊從侯詣廟禮行釋菜以落之維時廟貌崇宏
士庶蘇會咸謂侯祭禱重道急先務也既卒事其從事師儒請
紀成績余謂孔子之道萬古一日也廟之葺復振儒教以揚聖

化
度固祥圖惟永久勞亦可尚已其視以簿書期會為急鳩材集
工為嫌安於故常重於興革者不侔矣侯名漳字允濟號南泉
關西蘭州人治郡有聲政光風紀他如毀
■貞節事皆可為訓也侯之善政固不可謂不在是而謂善政
惟止於是非知侯者也故書之以識歲月

洛陽縣重修廟學記

黃廷珪

洛陽天下之中阻山帶河負陰抱陽蓋四塞之險稽諸前代縣
為郡之附郭而學制未闕也洪武壬子制詔郡縣立學邑人胡宏
道始營建於治東之廢觀址照其制作卑陋且隘且頽蓋八十

年于莽矣天順庚辰春進士潛江張本濟來知縣事大懼俎豆
不飭絃誦不揚魚以祇奉舊典政通人和之暇首集群議而重
新之主簿劉琛力贊其事相與拓基掄材陶甃礱礎所費皆公
家之需不征不擾民樂效其力經始於夏告成於冬殿廡堂齋
悉如制卑者以崇隘者以廣而吾車適臨教諭曾祥輩釋菜之
誼諸生請記其事竊惟孔子之道與天地相為無窮晦明否泰
世道之隆替閔焉故不事詩書漢之治以肅未知所以教唐之
治以夷濂洛閩閩之道學丕振宋之治以古於戲吾道之所繫
如此夫其可明而不可晦可泰而不可否也明矣天相斯文肆
惟我列聖宛中夏右文崇道感事秩宋而陋漢唐有由然矣

皇上重膺歷數之明年禮聘一代之鴻儒褒賞優異又所以甄
勵士風為世道計天下賢守令想聞其殊遇而動其衷焉此洛陽
縣學所由新也雖然學較本原之地吾道之所從出四代之學
興而人有士行者知所教與學也夫教與學焉者豈止文章云
爾哉方其樞趨宮墻淬礪興行則合巨細本末囊括而靡遺宏
大道也洎隸仕版乃罄所有以贊時政俾臻皇極治保太和乃
已襄大化也其或臨利害遇事變仗義執節折首而不悔立大
關也是則羽翼人世砥柱天常而措世道於四代使人有所矜
式吾儒之能事畢矣故夫皇家之所以望士者在是有司之期
與士子共勉者在是庠序之中目覩作興師之所以教弟子之所

以學獨不以是自待乎借曰攻記誦詞章以取青紫而已豈徒為當時賤將以貽來世譏故記以為規

留經記

耿定向

嘉靖壬戌余按閩西還時暑重勞役夫初行李止兩笥皆僦夫可舉者過華下道長少溟董君惠余古刻石經若干卷余心竇之受載以歸行逾日見役者淋汗喘息惻然省曰節用愛人此非經中語邪竇此厲民殆與此旨左矣習聞者未之實俸載此何為乃解留河南郡學宮與諸士公之吁只此一念醞藉克廣不至淪淪是余之窮經也已固不必盡披此載藉而後謂之通經也洛中故名賢奎原之部諒多與余同志者夫

周易一卷四冊

尚書一卷四冊

毛詩一卷八冊

左氏春秋三卷二十九冊

公羊春秋一卷八冊

穀梁春秋一卷八冊

周禮一卷八冊

儀禮一卷八冊

禮記二卷十六冊

爾雅一卷七冊

五經文字一卷四冊

凡十四卷計一百四冊

河南府學四賢堂記

劉定之

河南府儒學明倫堂在大成殿東都御史王公暹以為堂東而殿西則是師生講習之處尊而聖哲祀饗之處卑也乃於殿西

隙地復構新堂之所祀者履齋即子明遺伊川二程子蓋皆
其鄉賢得從祀于先聖者也今年予以使事至河南獲祇謁焉退
而思之司馬文正公亦嘗居此亦從祀聖宮者斯堂之祀不與
何也以蹟言之若必祖父於斯子孫於斯然後為其鄉則惟兩
程夫子為然而康節自共城來今安樂寓其遺墟也文正自涑
水來今獨樂園其故址也其蹟之均如此蓋論其德則熙寧變
法之初廷爭謬學士君實御史伯淳相倡和也元豐退居之
際養晦著書皇極經世通鑑資治相符契也元祐更化之秋旋
乾轉坤光居宰府頤在經筵相表裏也其德之同又如此是豈
可以缺焉而有遺哉明日予與太守虞君廷實煇授鍾君曼洎

其同僚諸君語及之皆以為宜無異辭乃定議更祀四賢其序
先邵子次司馬子次二程子以齒列也余為記其繇且繫以銘曰
河洛之中大賢所萃維茲四賢當宋盛際或隱巖穴或起科第
或居侍從或正宰揆孰能洞觀三才萬物鞭駕風霆探躡天月
曰惟邵子林下豪傑孰能用世功烈巍巍平視韓富仰儕臯斐
而又傳道為學者師曰惟司馬廟堂表儀孰能並峙一家弟昆
伯若春和季如秋清猶夷猶惠可顏可會繩繼前哲梯階後英
曰惟兩程聖門幹楨同時四賢百世仰希禮殿從祀遍于海涯
朝茲鄉里宜有專祠香火堂亭簡編憲几郡侯師生來游來止
際茲聖明其繼高軌

二程夫子祠堂記

于 範

斯道有統二夫子承之維是洛土二夫子生焉乃未建祠實有
司之缺也範為比懼乃作廟謂偏側不足以安神靈隘巷不足
以來瞻仰得城西開廂民舍數十丈乃厚償構之廟而後敬像
而後禮人情也乃作正堂五間六楹七楹中肖二夫子像謂及
門諸賢皆有功斯道乃作兩廡十間以翼正堂求諸賢名姓置
木主焉謂寢廟必宜深遠乃立周垣乃作重門各三間謂諸生
當肄習其所乃作講堂于廟後亦五間六楹七楹謂生徒當有
所棲乃作號房于講堂東西謂香火無所乃延黃冠結虛于
側恐其衣食罔資乃置田數畝于垣外廟必有祭乃作祭器祭

二程夫子祠堂記

必有期乃定二八月望日祀必有儀乃准春秋卜祭為之其末
儀者次第舉焉功成有記乃立石正德庚辰八月朔日

重修河南程氏三先生墓祠記

楊榮

凡先賢所當祀而祀之禮也立祠于墓以祀者禮從義起也祠
久而積債而興者常也常則不書而書者大復故也河南為天
地之中扶輿清淑之所鍾賢哲之生自昔彬彬盛矣然莫盛于
宋程氏父子三先生程氏世居嵩之陸渾三先生之卒俱葬洛
陽縣之府店保遺墓至今俱存墓側有祠後世以為嘗嘗之所
歷歲滋久洊罹兵火向之隆者夷壯者敝茂管宿莽一視蕩然
誠當道者所宜究心也錢塘周鑑自節署出參藩政來歷是邦

觀之慨然有志興復辛亥春皇上圖宏化理重惟古昔聖賢之
道乃頒名詔凡天下郡縣有先聖先賢祠墓在者所司宜以時
修葺毋就于廢鑑祇承德意遂以其秋行郡道經嵩邑抵程氏
故居得其十六代孫白子中與同詣墓所葺去荒穢辨正方位
先捐俸為倡河南守鄭城李驥及僚屬亦以俸助之以是冬十
一月十五日之吉興工工能材良需用咸足明年秋八月十一
日告成垣墉棟宇皆復舊規封築堅厚樹植繁密凡所供設之
器莫不畢具以十月朔旦立開國公神主於祠之中以明道伊
川二先生侑食依故制也後子中家俾守祠事遂率郡屬祇奠
焉莫已諗於衆曰三先生之墓自宋至今餘三百載其間廢興

者幾漫不可知顧念吾徒誦其遺言服其遺訓用底有位茲得
奉明詔以周旋執事於故邱之間雖墓間之石有當時銘表在
無庸重述而祠之興作歲月不有志之將何以示後衆皆曰然
鑑比以公務來北京屬翰林侍書蔣曄請予記其事予唯道統
之傳自吾夫子以至孟子孟子沒其道無傳焉寥寥千百載間
不絕如綫迨之興明道伊川二先生出孟氏之傳乃續而其學
之所自實本濂溪周元公茂叔方元公司理南安時開國攝通
守事知其賢深與友善因遣二先生從學卒能以其道倡天下
傳於後世宋季臨邛魏華父氏拳拳以二先生易名為請遂定
謚伯曰純公叔曰正公皆得從祀先聖廟庭此天下之通祀也

天下通祀則其祀不立可也而基又有祀蓋蓋祠則猶廟祭一
家之祀也通祀以道通之傳唯二先生得與其列私祀則推其
所自出而開國公擇師教子之賢是不可泯也撥之於禮殆亦
莽畔矣夫然則祀之廢與歲月其誌之也宜嘉鑑之能知所重
因其請為之記云

河南府修范文正公祠蓋記

徐溥

宋魏國范文正公塋于河南府洛陽縣尹樊里萬安山下其子
許國忠宣公及侍郎以下村馬距其西十五里熙寧間創廢賢
顯忠寺以奉香火而未嘗修葺者有文自元守臣郭文舉始國
朝因而行之不廢歷年既久公之子孫在兵中者若國傳廷方

從規筆間來展視輒去而忠宣公嘗祭置田八百畝多侵于人
祠墓日壞過者傷之宏治二年知府姜昂加修治尋被水厄而
昂亦移守去矣又二年都御史常熟徐公恪巡撫其地瞻拜祠
墓慨然太息以為已責於是藩臬諸公及知府劉君獻永奉公
命委知縣楊濟主簿徐尹具材召工歷數月祠宇一新遂封築
其墓仍禁樵牧祭田之侵于人者悉歸于寺僧覺隆等復范氏
之親趙侯者俾同守視功既訖獻以徐公是役不可無紀以使
誦于予夫三代以上其時盛矣孔子猶有才難之歎况後世乎
下逮漢唐宋人物之生亦為不多而特出猶寡說者以諸葛武
候狄文惠公及范公並稱謂其心術之純正才猷之闕遠若符節

之相合然必聞異代鍾間氣而後出則其難也誠甚矣唯其得之難也故凡有志于道德功業者莫不仰而師之以為準的生既不及見沒必從而祭之以示嚮往依託之意亦孰非秉彝好德之所不能已耶若夫南陽昌平皆有祠墓為漢唐二公血食之地公之在宋猶二公之於漢唐也今父子邱壠依然而香火之事弗治非國家崇重忠賢振勵名節之意此都憲公之所為惓惓者也且吳中為公故鄉度陽特其經畧之地皆有專祠今其休鬼所在宜有重於彼者乃屬之寺僧有司雖有時祀而未著國典都憲猶以為言會改命湖廣以去因並書之以俟他日舉行